

Watasaidia kumtoa Mreno Msumbiji

Ripota wetu — Dar es Salaam

'WATU wa Guinea inayotawaliwa na Mreno katika Afrika ya Magharibi watatoa kila msaada mpaka Msumbiji ipate uhuru wake.'

Hayo aliyasema Bibi Amaria Da Fonsuka, Mjumbe wa chama cha siasa huko Guinea, alipokuwa akihutubia mkutano wa hadhara mjini Dar es Salaam.

Mkutano huo ulihudhuriwa na zaidi ya watu 1,000 katika ukumbi wa Arnautoglu.

Bibi Amaria alisema kwamba Guinea ina imani kubwa na njia zinazotumiwa na wananchi kumtoa Mreno, nae ana hakika karibuni Mreno ataitoka nchi yao.

Allongeza kusema kuwa mara tu wapatao uhuru

wao, basi watashirikiana bega kwa bega na wananchi mpaka Mreno afukuzwe kabisa katika Msumbiji.

Bibi huyo alieleza kwamba ametumiwa na wananchi wa Guinea ili aje kuwahimiza watu wa Msumbiji waungane na kushirikiana na wananchi wa nchi zingine zilizo chini ya Mreno ili waweze kumshinda Mreno kwa urahisi.

Bw. L. Mitas ambaye ni Katibu Mwenyezi wa chama hicho aliwakumbusha wasikilizaji wake kuwa Msumbiji ni mali yao na kwamba haifai kumwachia Mreno aendeleo kuwatawala.